

Հավելված
 ՀՀ վարչապետի 2009 թ.
 մարտի 31 -ի N 266 - Ա
 որոշման

Ժ Ա Մ Ա Ն Ա Կ Ա Ց ՈՒ Ց Ց

ԵՐԵՎԱՆ ՔԱՂԱՔԻ ՄԱՆԻՏԱՐԱՐԱՆ ՄԱՔՐՄԱՆ ԵՎ ԱՂԲԱՀԱՆՈՒԹՅԱՆ ՎԻՃԱԿԻ ԲԱՐԵԼԱՎՄԱՆ
 2009 ԹՎԱԿԱՆԻ ՄԻՋՈՑԱՌՈՒՄՆԵՐԻ ԻՐԱԿԱՆԱՑՄԱՆ

NN ը/կ	Միջոցառման բովանդակությունը	Միջոցառման իրականացման նպատակով ընդունվելիք փաստաթղթին ներկայացվող պահանջները	Կատարման ժամկետը	Իրականացնող մարմինները
1	2	3	4	5
1.	Հայաստանի Հանրապետության բնակավայրերում արտադրության և սպառման թափոնների կառավարման հայեցակարգի մշակում և այն ՀՀ կառավարության քննարկմանը ներկայացնելը	Հայեցակարգը պետք է սահմանի ՀՀ բնակավայրերի աղբահանության և սանիտարական մաքրման, կոշտ կենցաղային թափոնների կառավարման բնագավառում պետական միասնական քաղաքականության գերակայությունները, հիմնական սկզբունքները և ուղղությունները, կայուն կառավարման համակարգի հիմքերը: Հայեցակարգը պետք է առաջարկի համապատասխան ծրագրեր՝ բնագավառի իրավական, տնտեսական, ինստիտուցիոնալ և տեխնիկական բարեփոխումների համար:	մինչև 2009 թ. օգոստոսի 1-ը	ՀՀ բնապահպանության նախարարություն ՀՀ քաղաքաշինության նախարարություն ՀՀ էկոնոմիկայի նախարարություն Երևանի քաղաքապետարան
2.	«Աղբահանության և սանիտարական մաքրման մասին» ՀՀ օրենքի նախագծի մշակում և այն ՀՀ կառավարության քննարկմանը ներկայացնելը	Օրենքը պետք է կարգավորի սանիտարական մաքրման և աղբահանության ոլորտում ծագող բոլոր իրավահարաբերությունները, պետք է սահմանի այդ ոլորտում գործունեություն իրականացնող անձանց, պետական և տեղական ինքնակառավարման մարմինների, քաղաքացիների ու իրավաբանական անձանց իրավունքները և պարտականությունները: Օրենքը պետք է լրացնի «Թափոնների մասին» ՀՀ օրենքը և հնարավորություն ստեղծի բնագավառի առևտրայնացման համար: Օրենքի նախագիծը ՀՀ կառավարության քննարկմանը	մինչև 2009 թ. նոյեմբերի 1-ը	ՀՀ բնապահպանության նախարարություն ՀՀ քաղաքաշինության նախարարություն Երևանի քաղաքապետարան

		պետք է ներկայացվի գործող ՀՀ մի շարք օրենքներում փոփոխության, ինչպես նաև պետական ու տեղական ինքնակառավարման մարմինների կողմից այլ իրավական ակտեր ընդունելու մասին առաջարկով:		
1	2	3	4	5
3.	Ըստ սանիտարական մաքրման աշխատանքների որակի նկատմամբ ներկայացվող պահանջների՝ քաղաքի փողոցների և հրապարակների նոր դասակարգման մշակում և հաստատում՝ մակերեսների ճշգրտմամբ	Ելնելով սանիտարական մաքրման որակի նկատմամբ պահանջներից՝ մշակվում և Երևանի քաղաքապետի որոշմամբ հաստատվում է քաղաքի փողոցների և հրապարակների նոր դասակարգում՝ մայրաքաղաքային նշանակության փողոցների և հրապարակների ու համայնքային նշանակության փողոցների և հրապարակների (վերջիններս ըստ բարեկարգվածության աստիճանի դասակարգվում են 1-3 կատեգորիաների):	մինչև 2009 թ. սեպտեմբերի 1-ը	ՀՀ քաղաքաշինության նախարարություն Երևանի քաղաքապետարան ՀՀ կառավարությանն առընթեր անշարժ գույքի կադաստի պետական կոմիտե
4.	Սանիտարական մաքրման ձեռքի և մեքենայական աշխատանքների միասնական նորմատիվների, տեխնոլոգիական և արժեհաշվարկի կարգի մշակում և հաստատում	Հաշվի առնելով Երևան քաղաքի փողոցների և հրապարակների նոր դասակարգումը և դրանց մաքրման որակի նկատմամբ ներկա պահանջները՝ ուժը կորցրած է ճանաչվում Երբաղսովետի գործկոմի 1988 թ. մարտի 2-ի N 5/54 որոշումը, մշակվում և Երևանի քաղաքապետի որոշմամբ հաստատվում են Երևան քաղաքի համար սանիտարական մաքրման ձեռքի և մեքենայական աշխատանքների իրականացման՝ - միասնական տեխնոլոգիական կարգը և պարբերականությունը, - սպասարկման միասնական նորմաները, - սանիտարական մաքրման աշխատողների վարձատրության միասնական դրույքաչափերը, - արժեհաշվարկի օրինակելի տարբերակը:	մինչև 2009 թ. հոկտեմբերի 1-ը	ՀՀ քաղաքաշինության նախարարություն Երևանի քաղաքապետարան
5.	Սանիտարական մաքրման որակի վերահսկողության համակարգի մշակում և ներդրում	Մշակվում և Երևանի քաղաքապետի որոշմամբ հաստատվում է քաղաքապետարանի համապատասխան կառույցների կողմից քաղաքի փողոցների և հրապարակների սանիտարական վիճակի ամենօրյա	մինչև 2009 թ. հոկտեմբերի 1-ը	ՀՀ քաղաքաշինության նախարարություն Երևանի քաղաքապետարան

		<p>հսկողության իրականացման ու մաքրության վիճակի գնահատման կարգը: Գնահատման սանդղակը և չափանիշները պետք է ներառվեն նույն կարգի մեջ: Կարգը պետք է պարունակի հայտնաբերված թերությունների վերացման պայմաններն ու ժամկետները, ինչպես նաև սահմանի մաքրման աշխատանքների կատարողականների վճարման վրա սանմաքրման որակի գնահատականի ազդեցության մեխանիզմը և չափերը:</p>		
1	2	3	4	5
6.	Կենցաղային աղբի կուտակման հաշվարկային նորմաների մշակում	ՀՀ կառավարության աշխատակազմ է ներկայացվում առաջարկություն ըստ աղբ գոյացնող օբյեկտների (բնակչություն, առողջապահության, կրթության, առևտրի, հանրային սննդի, մշակույթի, կենցաղ-սպասարկման և հանրային ոլորտի այլ օբյեկտներ) կենցաղային աղբի կուտակման միասնական հաշվարկային նորմաների մշակման և ընդունման վերաբերյալ:	մինչև 2009 թ. հոկտեմբերի 1-ը	ՀՀ բնապահպանության նախարարություն ՀՀ քաղաքաշինության նախարարություն Երևանի քաղաքապետարան
7.	Բնակչությունից կենցաղային աղբահանության վարձավճարների գանձման միասնական կարգի մշակում	Մշակվում և ՀՀ կառավարության աշխատակազմ է ներկայացվում առաջարկություն Երևան քաղաքի բնակիչներից և կենցաղային աղբ գոյացնող օբյեկտներից աղբահանության վարձավճարների չափի, գանձման միասնական կարգի, աղբահանության պայմանագրի ձևի, բնակիչներից և օբյեկտներից վարձավճարի գանձման միասնական մեխանիզմի (կոռուպցիոն ռիսկ չպարունակող) և դրա նկատմամբ վերահսկողության կարգի վերաբերյալ:	մինչև 2009 թ. դեկտեմբերի 1-ը	ՀՀ քաղաքաշինության նախարարություն ՀՀ ֆինանսների նախարարություն Երևանի քաղաքապետարան
8.	Բնակավայրերի տարածքների սանիտարական պահպանության շինարարական նորմերի ու կանոնների մշակում և հաստատում	Սահմանված կարգով ներկայացվում է ՀՀ կառավարության որոշման նախագիծ: Նորմաները պետք է սահմանեն հանրապետության բնակավայրերում կենցաղային աղբի կուտակման, հավաքման, տեղափոխման, վերամշակման և տեղադրման բնագավառների օբյեկտների նախագծման, կառուցման և շահագործման հաշվարկային պարամետրերը:	մինչև 2009 թ. դեկտեմբերի 1-ը	ՀՀ քաղաքաշինության նախարարություն

9.	Երևան քաղաքի սանիտարական մաքրման և աղբահանության աշխատանքները միասնական օպերատորի (կամ օպերատորների) միջոցով իրականացնելու համար մրցութային փաթեթի նախապատրաստում և միջազգային մրցույթի կազմակերպում	Մրցութային պայմանների մեջ պետք է ներառվեն աղբավերաբարձման, տեսակավորման և աղբավերամշակման կայանքների կառուցման, աղբի հավաքման ու կուտակման համար մեքենամեխանիզմների ձեռքբերման, սանմաքրման ու աղբահանության սխեմաների մշակման ու կիրառման վերաբերյալ ներդրումային առաջարկները: Մրցութային փաթեթը նախապես քննարկվում է ՀՀ վարչապետի մոտ:	մինչև 2009 թ. օգոստոսի 1-ը	ՀՀ էկոնոմիկայի նախարարություն ՀՀ ֆինանսների նախարարություն Երևանի քաղաքապետարան
----	--	---	----------------------------	---

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՄԱՐԳՍՅԱՆ